



**PRAVILNIK
O SUFINANSIRANJU UDRUŽENJA STUDENTSKI
PARLAMENT UNIVERZITETA U SARAJEVU**

Sarajevo, juni 2024. godine



UNIVERZITET U SARAJEVU

**PRAVILNIK
O SUFINANSIRANJU UDRUŽENJA STUDENTSKI
PARLAMENT UNIVERZITETA U SARAJEVU**

Sarajevo, juni 2024. godine

SADRŽAJ

DIO PRVI - OSNOVNE ODREDBE	4
DIO DRUGI - SUFINANSIRANJE STUDENTSKOG PARLAMENTA	4
DIO TREĆI - NAMJENSKO TROŠENJE SREDSTAVA I IZVJEŠTAVANJE	6
DIO ČETVRTI - ZAVRŠNE ODREDBE	Error! Bookmark not defined.

Na osnovu člana 29. Zakona o visokom obrazovanju („Službene novine Kantona Sarajevo“, broj 36/22), člana 43. i 44. Zakona o studentskom organizovanju Kantona Sarajevo („Službene novine Kantona Sarajevo“, broj 11/10), člana 60. i 210. Statuta Univerziteta u Sarajevu i člana 43. Statuta Studentskog parlamenta Univerziteta u Sarajevu, a u vezi sa tačkom 21. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), uz prethodno Mišljenje Odbora za normativna pitanja Univerziteta u Sarajevu, broj: 0105-5565-4/24 od 24. 05. 2024. godine, na prijedlog Senata Univerziteta u Sarajevu, broj: 01-9-36/24 od 29. 05. 2024. godine, Upravni odbor Univerziteta u Sarajevu je na svojoj 27. redovnoj sjednici, održanoj dana 20. 06. 2024. godine, *donio*

**PRAVILNIK
O SUFINANSIRANJU UDRUŽENJA
STUDENTSKOG PARLAMENTA UNIVERZITETA U SARAJEVU**

DIO PRVI - OSNOVNE ODREDBE

Član 1.

(Predmet Pravilnika)

- (1) Pravilnikom o sufinansiranju Udruženja Studentskog parlamenta Univerziteta u Sarajevu (u daljem tekstu: Pravilnik) uređuje se sufinansiranje rada Studentskog parlamenta Univerziteta u Sarajevu (u daljem tekstu: Studentski parlament), koji djeluje kao studentsko izborno predstavničko tijelo i zastupa interese studenata Univerziteta u Sarajevu.
- (2) Sufinansiranje Studentskog parlamenta iz stava (1) ovog člana ostvaruje se iz vlastitih prihoda, donacija, transfera i namjenskih sredstava Univerziteta u Sarajevu i članica Univerziteta u Sarajevu (Univerzitet/članice).

Član 2.

(Izvori sredstava)

Univerzitet i članice Univerziteta u Sarajevu će osigurati sredstva za sufinansiranje Studentskog parlamenta na osnovu učešća studenata u troškovima studiranja, putem projektnog finansiranja, namjenskih donacija/pokroviteljstva i programa podrške radu Studentskog parlamenta.

DIO DRUGI - SUFINANSIRANJE STUDENTSKOG PARLAMENTA

Član 3.

(Uplate sredstva po osnovu učešće studenta u troškovima studiranja)

- (1) U skladu sa Odlukom Vlade Kantona Sarajevo, broj: 02-05-19288-9/09 od 11. 06. 2009. godine o davanju suglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu,

Rektorat i članice Univerziteta su obavezne osigurati 10% uplaćenih sredstva na ime sufinansiranja rada Udruženja Studentskog parlamenta Univerziteta u Sarajevu.

- (2) Sredstva iz stava (1) ovog člana osigurati će se od uplate studenata na ime „*naknade za razvoj informacionog sistema*“, vrsta prihoda 722659, u skladu sa Instrukcijom o razvrstavanju i načinu uplate javnih vlastitih prihoda Univerziteta/članice Upravnog odbora Univerziteta u Sarajevu, broj: 02-1-2/24 od 09. 01. 2024. godine.
- (3) Rektorat i članice Univerziteta obavezne su izvršiti obračun sredstva iz stava (2) ovo člana zaključno sa 31. decembrom za tekuću godinu.
- (4) Sredstva iz stava (3) ovog člana članice su obavezne rasporediti na ime „sufinansiranja rada Udruženja Studentskog parlamenta Univerziteta u Sarajevu“ u „Zahtjevu za razgraničenje namjenskih prihoda i primitaka i prihoda budžetskih korisnika za tekuću godinu“.
- (5) Sufinansiranje Studentskog parlamenta vrši se uplatom na račun Studentskog parlamenta, a po unosu razgraničenih namjenskih prihoda i primitaka i prihoda budžetskih korisnika, uz prethodnu odluku rukovodioca članice.

Član 4.

(Uplate sredstava po osnovu projektnog finansiranja)

- (1) Projektno finansiranje u smislu člana 2. ovog Pravilnika podrazumijeva da Univerzitet i članice Univerziteta (su)finansiraju projekte Studentskog parlamenta, u okviru kojih se realizuju projektne aktivnosti, a u kojima učestvuje Studentski parlament i/ili Studentska asocijacija članice Univerziteta.
- (2) Finansiranje projektnih aktivnosti u kojima učestvuje Studentski parlament i/ili Studentska asocijacija članice Univerziteta utvrđuju se posebnim ugovorom koji se zaključuje između Univerziteta/članice i Studentskog parlamenta, odnosno Studentske asocijacije članice Univerziteta.
- (3) (Su)finansiranje projekata Studentskog parlamenta preciznije će se utvrditi projektnim prijedlogom koji Studentski parlament ili Studentska asocijacija članice Univerziteta podnese Univerzitetu/članici za narednu budžetsku godinu.

Član 5.

(Uplate sredstava po osnovu donacija/pokroviteljstva i programa podrške radu Udruženja)

- (1) Univerzitet/članica mogu sufinansirati rad Studentskog parlamenta i Studentske asocijacije članice Univerziteta putem namjenskih donacija/pokroviteljstva i programa podrške radu.
- (2) Na osnovu zahtjeva Studentskog parlamenta ili Studentske asocijacije članice Univerziteta, sredstva iz stava (1) ovog člana odobrava Upravni odbor Univerziteta u Sarajevu za Studentski parlament, odnosno Vijeće članice za Studentske asocijacije članice Univerziteta.
- (3) Utrošak sredstava po osnovu namjenskih donacija/pokroviteljstva i programa podrške radu preciznije se utvrđuje posebnim sporazumom/ugovorom koji se zaključuje između Univerziteta/članice i Studentskog parlamenta i/ili Studentske asocijacije članice Univerziteta.

DIO TREĆI - NAMJENSKO TROŠENJE SREDSTAVA I IZVJEŠTAVANJE

Član 6.

(Namjensko trošenje sredstava)

- (1) Predsjednik Studentskog parlamenta će sredstva za sufinansiranje Studentskog parlamenta iz člana 3. ovog Pravilnika koristiti za potrebe, kako slijedi:
 - a) pokriće izdataka nastalih obavljanjem poslova za koje je Studentski parlament registrovan,
 - b) (su)finansiranje troškova rada vijeća studenata/studentskih asocijacija članica Univerziteta,
 - c) pokriće finansijskih troškova propisanih Zakonom o visokom obrazovanju Kantona Sarajevo („Službene novine Kantona Sarajevo“, broj 36/22), Zakonom o studentskom organizovanju Kantona Sarajevo („Službene novine Kantona Sarajevo“, broj 11/10), Statutom Studentskog parlamenta, te drugim propisima koji regulišu ovu oblast,
 - d) isplata naknada za rad rukovodstvu Studentskog parlamenta,
 - e) poboljšanje materijalne i tehničke opremljenosti Studentskog parlamenta, kao i ostali troškovi koji nastanu redovnim poslovanjem Studentskog parlamenta.
- (2) Sredstva za sufinansiranje Studentskog parlamenta iz člana 4. ovo Pravilnika će se koristiti za:
 - a) provođenje projektnih aktivnosti,
 - b) isplatu naknada studentima Univerziteta i spoljnim saradnicima uključenim u realizaciju projektnih aktivnosti,
 - c) ostale troškove koje nastanu u realizaciji projektnih aktivnosti.
- (3) Sredstva za sufinansiranje Studentskog parlamenta iz člana 5. ovog Pravilnika će se koristiti isključivo namjenski u skladu sa odredbama ugovora o donaciji/pokroviteljstvu ili programu podrške radu Udruženju/studentskoj asocijaciji članice Univerziteta.
- (4) Predsjednik Studentskog parlamenta je odgovoran da u skladu sa registrovanom osnovnom djelatnosti Studentskog parlamenta sredstva troši namjenski, planski i transparentno, u skladu sa finansijskim planom Studentskog parlamenta, Statutom Studentskog parlamenta, te drugim općim aktima.

Član 7.

(Izvještavanje)

- (1) Studentski parlament je odgovoran da sredstva troši namjenski, te o tome podnosi redovan izvještaj Univerzitetu/članici.
- (2) Izvještaj o utrošku sredstava za sufinansiranje rada Udruženja iz člana 3. ovog Pravilnika Studentski parlament je obavezan da podnese Upravnom odboru Univerziteta u Sarajevu najkasnije do 15. marta tekuće godine za prethodnu kalendarsku godinu. Sastavni dio Izvještaja čini Odluka Izvršnog odbora Studentskog parlamenta.
- (3) Obavezne elemente izvještaja iz stava (2) utvrđuje Upravni odbor Univerziteta u Sarajevu.
- (4) Sadržaj Izvještaja o utrošku sredstava za finansiranje odnosno sufinansiranje projekata Studentskog parlamenta i Studentske asocijacije članice Univerziteta i projektnih aktivnosti u kojima učestvuje Studentski parlament i Studentska asocijacija članice Univerziteta iz

člana 4. i 5. ovog Pravilnika preciznije će se utvrditi u skladu sa odredbama zaključenog sporazuma/ugovora.

DIO ČETVRTI - ZAVRŠNE ODREDBE

Član 8.

(Postupak izmjena i dopuna)

Izmjene i dopune ovog Pravilnika vrše se na način i po postupku za njegovo donošenje.

Član 9.

(Tumačenje Pravilnika)

Tumačenje ovog Pravilnika daje Upravni odbor Univerziteta u Sarajevu.

Član 10.

(Stupanje na snagu)

Ovaj Pravilnik stupa na snagu danom donošenja i objavljuje se na internetskoj stranici Univerziteta u Sarajevu.

**PREDSJEDNIK
UPRAVNOG ODBORA**

Dr. sc. Murat Ramadanović



Broj: 02-19-7-1/24

Datum: 20. 06. 2024. godine

A handwritten signature in blue ink, consisting of stylized letters, located in the bottom right corner of the page.